

Ўзбекистондаги 1220 та масжидда хатми Қуръон бўлмоқда



15:30 / 06.05.2019 2409

Аллоҳ таолога беҳисоб шукрлар бўлсинки, ҳар йили муборак Рамазон ойида юртимиз масжидлари хатми Қуръон садолари ила бурканади. Йилдан-йилга масжидларимизда хатми Қуръон зиёда бўлиб, ўзгача тароватда ўтмоқда.

Бу йилги Рамазон ойида ҳам юртимиз бўйича 1220 масжидда тарових намозлари ўқилиб, Аллоҳнинг каломи бошдан охир, хатми Қуръон қилинади. Бу ҳақда muslim.uz сайти хабар беради.

Ушбу Қуръон ойида жами 2038 нафар қориларимиз Аллоҳ таолонинг каломини хатм қилиб беришади.

Маълумот учун, ўтган 2018 йилда 1149 масжидда хатми Қуръон ўтказилган бўлиб, уларда 1860 нафар қори қатнашган эди.

Шунингдек, ҳар йилгидек хорижий давлатларнинг таклифларига биноан қориларимиз хатми Қуръонларда иштирок этадилар. Бу шубҳасиз, Яратган Роббимизнинг халқимизга берган энг улуғ инъомидир.

islom.uz таҳририяти